

寶豐縣志卷八

原任山東博山縣知縣偃師武億

同纂

寶 豐 縣知縣吳縣陸蓉

地理志

古蹟

豢龍城

太平寰宇記豢龍城在縣東南五十里

路史國名紀豢龍城汝之龍興

金史地理志寶豐縣有豢龍城

讀史方輿紀要豢龍城在今縣北相傳豢龍氏劉累嘗居于此

寶豐縣志卷八 古蹟

不羹城

路史國名紀春秋時二不羹襄城西不羹

汝之襄城東南古不羹城在今

龍興之南定陵為東不羹在定陵西北定陵今入潁川舞陽鄭

楚併之子革云四國皆國賦皆千乘見非小邑

父城

漢書地理志潁川郡父城

後漢書郡國志潁川郡父城有應鄉

元和郡縣志父城故城在縣東南四十里故殷時應國也

左傳楚大城城父使太子建居之

史記楚世家平王六年使太子建居城父守邊正義父音

甫括地志云城父故城在許州葉縣東北四十五里即杜

預云襄城城父縣也又許州襄城縣東四十里亦有父城故城一所服虔云城父楚北境乃是父城之名非建所守杜預云言城父又誤也傳及酈元水經注云楚大城城父使太子建居之卽十三州志云太子建所居城父謂今亳州城父縣也按今亳州見有城父縣是建所守者也地理志云潁川有父城縣沛郡有城父縣此二名別耳

顧棟高春秋大事表應今汝州東南廢父城縣是城父昭九年楚公子棄疾遷許於夷實城父杜註城父縣屬譙郡案楚有兩城父此所謂夷城父取諸陳者也僖二十三年楚伐陳取焦夷杜註夷一名城父卽此焦邑別見陳地昭三十年楚城夷以處徐子章羽三十一年吳人侵楚伐夷

寶豐縣志卷八 古蹟

蓋夷城父二名兼用矣今江南潁州府亳州東南七十里有城父城又有北城父昭十九年費無極言於楚子大城城父而寘太子焉以通北方故太子建居於城父杜註今襄城城父縣此又一城父也哀六年昭王攻大寘卒於城父卽此漢置父城縣王莽末馮異爲父城長光武屯巾車鄉獲馮異處也今河南汝州郟縣西四十里有城父城

犍縣故城

水經注滍水又東逕犍縣故城北左傳昭公元年使伯州犁城犍是也

應城

史記正義秦本紀引括地志云故應城因應山爲名古之

應國在汝州魯山縣東三十里

案梁孝王世家正義引括地志又作四十里

符壘城

隋書地理志汝南有後魏汝南郡及符壘縣並後齊廢

賈復城

水經注潁水東入父城縣與桓水會水出魯陽北山水有二源奇瀟於賈復城合爲一瀆逕賈復城北復南擊郟所築也俗語訛謬謂之寡婦城

河南通志賈復城在寶豐縣城東南一名通鷓城漢膠東侯賈復築

馬志金吾城水經注賈復城也後周置三鷓鎮以禦齊第

寶豐縣志卷八 古蹟

三

三鷓入今魯山界斯地近魯故又謂之通鷓城唐新鄉城縣西南古鷓城置龍興縣是也昔人更浩然亭改陽城驛皆致敬前賢之意今賈城斥其名旣不可通鷓則又泯其功案城賈以大金吾擊郟所築宜名曰金吾城

案馬志以後周置三鷓鎮以禦齊第三鷓入今魯山界斯地近魯故又謂之通鷓城考元和志云賈復城孝文帝親征馬圈行至此城昏霧得三鷓引路遂過南山故號通鷓城是城實由三鷓導引故以號之馬志云近魯而謂之通鷓蓋不得其解又從而爲之詞此爲臆說矣

河山故城

案隋長八寺造像碑龍山之南河山之西云以地案之

在今扁城村河山故城遺跡顯存

期城

柳宗元文集故襄陽丞趙君墓誌葬于汝州龍城縣期城之原

案集本作龍城縣期城之原城當爲興字之訛龍興蓋制郊縣地置故期城得附于此

汝南城

魏書地形志汝南太和十八年置

方輿紀要汝南城在魯山縣東南後魏永安初置汝南郡治符壘縣兼領汝南一縣後齊廢郡又以符壘縣并入汝南隋仍曰汝南縣屬伊州隋末廢

寶豐縣志卷八 古蹟

四

通鷓城

元和郡縣志龍興縣城本通鷓城卽後漢賈復城也復南擊鄆所築後魏太和二十三年孝文帝親征馬圈行至此城昏霧得三鷓引路遂過南山故號通鷓城

滎陽城

元和郡縣志滎陽城一名應城在縣南二十五里後魏置滎陽縣隋開皇十年改爲湛水武德四年又置滎陽

輔城

香山寺承安四年鐘識輔城

案隋書地理志開皇初改龍山曰汝南十八年改汝南曰輔城此題輔城之由蓋沿于此故錄之以見金時寶豐疆

域包入邠縣也

講武城

馬志講武城距塔里赤墓數里城傳卽其所築土人呼古城

孫督師城

馬志孫督師城城東凡數座癸未督師孫傳廷圍城時所築

案綏寇紀畧崇禎十六年九月初八日我師進次汝州之長阜鎮僞都尉李養純迎降聞自成在襄陽西築汝寧及其屬邑鄧襄葉唐邠豐七城者待戰謀者云賊老營在唐縣精銳屯襄陽撤邠縣僞將吏歸保寶豐并兵設守以爲

寶豐縣志卷八 古蹟

五

犄角傳廷乃別遣游擊折增修從魯山間道搗唐縣而督師自以大軍從汝州進初十日我師次寶豐賊已改爲州其守兵多且樓櫓亦甚固傳廷曰我師前爭利而寶豐或恃其後則腹背受敵矣諭降不下乃留攻之十一日自成來援白廣恩高杰盧興福分兵夾擊戰小利賊邠十二日自成再以精騎來援復爲廣恩杰所却我師以是夜克寶豐擒僞州牧陳可新州判姜渭僞邠縣令周英至簿劉溥僞將蔣山李大存孫月等誅之此督師所由歷建城壘以困賊者也

應鄉

漢書地理志潁川郡父城應鄉

後漢書郡國志潁川郡父城有應鄉

括地志故應城古應鄉在汝州魯山縣東四十里也史記

列傳正義引

史記魏世家集解徐廣曰潁川父城有應鄉也

巾車鄉

後漢書馮異傳光武畧地潁川攻父城不下屯兵巾車鄉
註巾車鄉各在父城界

春秋地名考漢置父城縣屬潁川郡光武攻父城不下屯
巾車鄉獲馮異處也又引司馬彪曰父城西南卽巾車鄉
馬志巾車鄉在邑東南五十里今留村也一云在父城東
北吟王寨

案吟王寨今在父城東南志傳訛作東北非

安樂鄉

永仁鄉

宣和二年勅改寶豐縣碑龍興管安樂永仁二鄉

案太平寰宇記龍興縣東南九十里舊二鄉今二鄉不言
二鄉所名以碑証之當爲安樂永仁也

案永仁各鄉其來最遠水經注養水出魯陽縣北將孤山
北長岡下數泉俱發東歷永仁三堆南是當時各鄉所自
前志皆未之及

案永仁鄉亦因山爲名唐書地理志梁縣有永仁山
卽析汝州梁縣地所置故永仁山在縣境而鄉亦取名

安寧鄉

創修三官廟記洛陽中護衛左所百戶余鏗下在寶豐東
南安寧鄉南范村屯住一營

神林鄉

明成化十八年許淵撰重修漢高皇廟記寶豐治東南神
林鄉

青嶺鎮

宋史食貨志提轄京西院治王景文奏汝州青嶺鎮界產
瑪瑙案此當政和初為是言是時猶未易名也

興寶鎮

宣和二年勅改寶豐縣碑龍興在邨城縣西南管安樂永

寶豐縣志卷八 古蹟

七

仁二鄉并青嶺鎮近因寶貨興發蒙朝廷賜名興寶鎮
汝南鎮

金史地理志汝州寶豐鎮一汝南

河南通志吳垣墓在寶豐汝南鎮

香山寺明昌三年鐘識汝南鎮

曹鎮

河南通志曹鎮在寶豐縣石渠保宋皇后曹氏生此

犍城府

杜行寶碑洪艷隨犍城府校尉

河山府

杜行寶碑陰洪祭隨任河山府司戶

龍興府

新唐書地理志汝州有府四曰龍興魯陽梁川郟城

玉海唐十道置府河南道汝州有府四曰龍興至郟城

東齊府

西齊府

香山寺明昌三年鐘識東齊府西齊府

東西澤府

香山寺明昌三年鐘識東西澤府

養陰里

馬志養陰里名見水經注養水似今石河然亦未敢決彷彿且存古蹟京相璠以爲在郟西南惑其處陽而稱陰則

寶豐縣志卷八 古蹟

八

其地當在養北汝南又酈注扈澗入汝汝又迤爲東長湖入養今扈澗雖涸而郟城西四五里入汝故道依然則所云里在郟西南者度勢當在今卓君舖寄料店諸村落間郟志云當在其邑西南汝水之右今寶郟以汝爲界汝以南無郟縣地矣

又辨誤春秋傳

昭公十一年

吳掩餘燭庸二公子奔楚楚居之

養使沈尹城之取城父田與之則養必近城父而京相璠以郟縣西南之養當之得無亦誤於城父城之分與路史亦云由基邑然皆不言居二公子或近城父者亦有一養

安集里

明劉奎撰劉處士墓碑其先缺二人正統初徙家汝州寶豐鎮之澧陽後復置縣遂缺縣之安集里

坊廓里

明嘉靖二十一年劉奎撰觀政進士李西塘墓碑高祖均寶元末徙家於汝後割汝置寶豐縣遂編籍坊廓里

雙酒務

溫公集送伯淳監汝州酒務詩惟知負米樂不覺抱關卑出處兩得意是非皆自知

伊川文集明道先生行狀以親老求近鄉監得監汝州酒稅今上嗣位覃恩改承議郎先生雖小官賢士大夫視其進退以下興衰聖政方新賢德登進先生特為時望所屬

寶豐縣志卷八

古蹟

九

召為宗正寺丞未行以疾終

河南通志雙酒務在寶豐縣西北二十五里其務有六惟銅斗正酒二務其址尚存宋程明道為酒監即此

案正酒務正當作鄭見承安四年香山寺鐘識有鄭酒務常顯等名

案宋史程子本傳李定劾其新法之初首為異論罷歸故官又坐獄逸囚責監汝州鹽稅哲宗立召為宗正丞未行而卒据伊川明道先生行狀以親老求近鄉監得監汝州酒稅則非責監汝州也又明道文集祭富鄭公文惟元豐六年歲次癸亥十一月壬寅朔十九日庚申奉議郎監汝州鹽酒稅輕車都尉賜緋魚袋宋史脫酒字非為附識于

此

鄭酒務

金香山寺承安四年鐘識鄭酒務

商酒務

馬志在城西北二十五里宋權酒之場明道先生監稅朱光庭坐一月春風者卽此也

案馬志以商酒務俗訛作雙考金香山寺鐘識並載雙酒務商酒務金距宋未遠相沿必有所據蓋非俗流之訛一附馬志辨誤商訛而雙前明遂以名保然宋村通仙觀碑立于金正大年黃吉士祖墓碑立于洪武時而皆曰雙酒務則其訛久矣金史粘割韓奴使耶律大石不屈死世宗遷其子永和縣商酒都監詳古爲尙輦局直長而今邑靈相寺金令耿宣威感應碑刻忠顯校尉商酒務都監香山寺二大鐘皆金時物鑄文刻商酒都監副監

陽人聚

路史國名紀陽人聚秦以處西周君今汝州之西

河南通志陽人聚在汝州城西寶豐縣界上秦遷東周君于此吳孫堅大破董卓軍亦此

馬志辨誤秦莊襄王滅東周遷其君於陽人聚水經注汝水出汝阨逕周平城南又東與三屯水合又東得魯公水口水上承陽人城東魯公陂城古梁之陽人聚度其地尙在今汝州西伊陽縣界括地志云在汝州梁縣西四十里

王浚儀地理通釋河南府伊闕隋時縣漢曰新城秦紀白起攻新城敗韓魏於伊闕則聚在今汝州西明矣

案太平寰宇記龍興縣載有廢臨汝縣蓋其地宋初屬縣境矣据記稱在州西南六十里本漢梁縣地唐先天元年十二月割置縣于今縣西南二十里紫邏川置以邑城臨汝水兼郡名爲邑之稱又云洛陽界碑在舊臨汝西八十里是縣西境所包最遠故陽人聚得附屬于此非前志牽率入之

范睢邑

水經注滎水又南逕應城西范睢所封邑也

龍門關

寶豐縣志卷八 古蹟

李志龍門關在縣東三十里大龍山下元時立巡檢司於此

沛公壘

水經注汝水又右會堇溝水水出沛公壘西六十餘步蓋漢祖入關往征是由故地擅斯目矣

正德十年谷德重修天帝廟記山以鼓臺名有所自父老相傳楚漢會盟鳴鼓於其上

馬志秦二世三年沛公與南陽守呂綺戰雒東破之水經注汝水又東合董溝水水出沛公壘六十步蓋漢祖入關往征是由故地擅斯目壘在大龍山故犇城四十里俗名搨鼓臺云漢祖與項羽戰樊噲搨旗不知此舉乃

攻秦非戰楚且曹參周勃諸將皆從不止噲

案沛公壘在今寶豐東南四十餘里土人名插鼓臺遺跡卽父城南河南通志云在寶豐縣西北誤也又謂相傳漢高項羽戰於此是其不徵古記而信野聞益爲疎矣案戴氏趙氏水經注並作堇溝水馬志作董溝或字形轉訛土人亦爲相沿與

僕射店

馬志卽邑西五十里店頭也宋富鄭公以僕射判汝州安輯流民於此後人因以其官名店安集流民詳公奏疏云牒通判張恂州界諸縣一一相度則當時安集地諸縣應皆有之卽在邑亦或不止此然卽此而邑之榮光大矣

寶豐縣志卷八 古蹟

吉村

隋長八寺造像碑龍山之南河山之西雉水之東吉村云

云

宋村

馬志資治綱鑑續編高宗建炎四年留守司統制牛皐追敗金人於寶豐分注金人犯江西者聞兀朮北還亦自荆門引去留守司統制牛皐邀擊敗之於寶豐之宋村在今潢陽鎮東南三里

東宋村

西宋村

香山寺明昌三年鐘識東宋村西宋村

東寇召

西寇召

香山寺明昌三年鐘識東寇召西寇召

神林村

香山寺承安四年鐘識本縣神林村

富城村

香山寺明昌三年鐘識富城村

滎陽店

香山寺明昌三年鐘識滎陽店

龍門店

香山寺承安四年鐘識龍門店

寶豐縣志卷八

開店

香山寺承安四年鐘識開店

吉料店

香山寺明昌三年鐘識吉料店

青嶺店

香山寺承安四年鐘識青嶺店

郭店

香山寺承安四年鐘識郭店

薛店

讀史方輿紀要薛店在孫東奉天記唐建中四年討李希烈官軍自汝州前進至薛店為賊所敗

案薛店今屬汝州在縣西北顧氏撫人寶豐或由明置縣割汝州之境故隸于此

陽夏侯第

馬志陽夏侯第漢馮異故居在父城城內西南隅或云在城外今皆泯無寸址

臨汝郡公第

馬志臨汝郡公第元將塔里赤葬三堆山其子萬奴於此建宅卽今官家衙也

孔孝子宅

馬志寧極先生隱居滢城厥後子孫遂家焉其故居今不可問卽本傳所云有田數百畝今亦不知轉屬誰氏矣

寶豐縣志卷八

古蹟

古

又寧極先師四五代孫夢溪筆談稱之爲淮南孔某蓋自其曾祖尉桐廬後世遂家淮南其隱居於邑固不自關里來也又言其竹園近水有盜其竹者念其冬月涉水因架小橋度滢水難架橋或其園近應水乎

隱居園

夢溪筆談淮南孔旻隱居篤行終身不仕美節甚高嘗有竊其園中竹旻愍其涉水冰寒爲架一小橋渡之

案宋史孔旻傳隱居汝州龍興縣龍山之滢陽城此園當在今滢陽鎮附近惜無可考

醫藥院

香山寺明昌三年鑿識在城醫藥院

沙亭

水經注養 又東逕沙亭南故養陰里也

案養陰里馬志既載則沙亭亦當列入考此地今城東三十里迤漫皆沙阜連亘當即沙亭所在

春風亭

河南通志春風亭在寶豐縣城西北三十里宋程明道監酒稅于此因以立亭

竹居書館

明崇禎十年劉令譽創建普度禪林記邑內西南隅有觀音堂一區讀原碣知先為李子竹居之書館

湛阪

春秋地名考畧湛阪襄十六年楚公子格帥師及晉師戰於湛阪楚師敗績晉師遂侵方城之外杜註昆陽縣北有湛水東入汝周禮荊州其侵潁湛水經注湛水出犍縣北魚齒山東南流為湛浦方五十餘步春秋晉楚戰於湛阪即此水北悉枕翼山阜于父城東南湛水之北山有長阪蓋即湛水以名阪也又東南逕蒲城北京相璠曰昆陽縣北有蒲城蒲城北有湛水是也今東北入於汝今在葉縣北三十里昆陽漢縣屬潁川郡晉屬襄城郡後廢今葉縣北二十里有昆陽城

左傳補註襄公十六年傳戰於湛阪京相璠曰昆陽縣北有蒲城蒲城北有湛水者是酈元曰湛水出犍縣北魚齒

山西北東南流歷魚齒山下爲湛浦今水北悉枕翼山阜於父城東南湛水之北山有長阪蓋卽湛水以名阪故有湛阪之名

顧棟高春秋大事表湛水襄十六年晉楚戰於湛阪楚師敗績晉師遂侵方城之外杜註昆陽縣北有湛水東入汝湛水在河南南陽府葉縣北三十里縣北二十里有昆陽城周禮荊州其浸潁湛水經注湛水出犍縣北魚齒山東南流湛浦春秋晉楚戰於湛阪卽此

魚陵

春秋大事表魚陵襄十八年楚師伐鄭次于魚陵杜注魚陵魚齒山下在南陽犍縣北魚齒山在今河南汝州東南五十里子庚門于純門涉于魚齒之下以山下有潢水故言涉水經注湛水源于魚齒山

龍谿

水經注龍山水出龍山龍谿北流際平城縣故城東

葛塢

任楓葛塢詩序內子王氏行八字瑋流賊陷寶豐被執逼之不屈嚼血噴罵賊拔刀脅之罵益厲昂昂引頭觸刃遂盡節王年甫十七且病癰當此臨難捐軀志氣奮激天地震動亦壯烈也哉塗梗不能返寄葬城西三里卽予友白素爲葛塢之南畝

素邈川

太平寰宇記龍興縣廢臨汝縣本漢梁縣地唐先天元年十二月割置縣于今縣西南二十里紫邏川置以邑城案九域志汝州梁縣有紫邏山今臨汝街之南有紫邏坡卽其地也川當迤東而北當唐時臨汝城蓋在此矣

雅集石

馬志邑南十里舊應河驛中河亂石縱橫水流曲折石罅間其西南礪然壁立者刻知郟城晁仲參葉令李喬卿進士孔疇烹茶于此皇祐壬辰八月十八日字七行行四字凡二十有八字詳金石志

案雅集石又有金題名文云毫社黃德甫郟敖李道升遼水高大用陪縣令宣威耿侯缺酒缺一飲于此承安庚申

寶豐縣志卷八 古蹟

七

重陽日後又有缺二懷侯逸名正書字微小于宋刻外有無朝代可紀者亦大書每行二字凡七行自左行文云葆光全道缺仁同遊壬寅正月下澣案承安庚申章宗建元之六年也

案晁孝先在郟城嘗懲悍卒及耿侯令于此亦爲民禱雨立應意其政平民和固宜有此賢者之樂也

白雀寺董展畫

馬志隋董展字伯仁汝南人以才藝稱尤善於畫官至光祿大夫殿內將軍鄉里號爲智海見唐裴孝源畫史云展畫汝州白雀寺

香山寺

晁冲之具茨集香山示孔處厚詩我來南經幾山過馬行
似衝山色破風煙席卷崑穴開澗花縈迴水流左懸崖彷彿
聞松聲下瞰幽深鳥飛墮老夫它年有所歸定結白茅
依紫羅日高下馬古寺門魚鼓欣聞脫清餓道人碧眼照
川谷雲起盤陀藉高坐殷勤勸我更莫歸唳鶴啼猿亦相
和窻前笑喚祁孔賓世間安用招魂些

佩文齋書畫譜畫家傳釋覺心字虛靜嘉州夾江農家少
好遊獵一日縱鷹犬棄妻子出家遊中原作從犢圖詩孔
南明崔德符見而愛之招來臨汝連往葉縣東禪及州之
天寧香山三大刹

畫鑒

河南通志香山在寶豐縣東南二十里舊名火珠山上有

寶豐縣志卷八

古蹟

大

峰東曰大龍山西曰小龍山相傳慈雲大士證道處唐時
寺塔並存

龍興寺畫壁

書畫譜畫家傳汝州龍興寺吳道子畫兩壁一壁作維摩
示疾文殊來問天女散花一壁作太子遊四門釋迦降魔
筆法奇絕蘇子由曾施百縑修之

韻語陽秋

蘇文忠集子由新修汝州龍興寺吳畫壁

丹青久衰工不藝人物尤難到今世每摹市井作公卿畫
手懸知是徒隸吳生已與不傳死那復典型留近歲人間
幾處變西方畫作波濤翻海勢細觀手面分轉側妙算毫
釐得天契始知真放本精微不比狂花生客慧似聞遺墨

留汝海古壁蝸涎可垂滂力捐金帛扶棟宇錯落浮雲卷
新霽使君坐獻清夢餘幾疊衣紋數衿袂他年弔古知有
人姓名聊記東坡翁

菴羅寺

御訂全金詩增補中州集元好問送弋唐佐還平陽詩注寶豐

山中有菴羅寺唐佐嘗從程內翰天益問學于此

附元好問送弋唐佐還平陽詩

我從商餘之山過菴羅聞君六經百家富研摩會最上指
冠巍峩豈肯俯首春官科單懷變生十載後我時避兵方
北走通家弋宋共有無行輩許之爲老友晉州一書君肯
來握手大笑心顏開春風着人不覺醉快卷更須三百杯

寶豐縣志卷八 古蹟

九

鶴骨騫飛法當壽况是丹房藥鏡留心久崑崙神泉浸水
芝乞與餘膏潤衰朽天府學士登瀛洲松頂仙人垂直鈎
愛君直欲抵死留自言世事非所求千古黃金鑛中淚不
獨盧仝并馬異蘇州韋郎交分深香山白傅金玉音借渠
兩詩寫我心相知非不多但苦心不同同心一人去坐覺
長安空離愁何從生生從情愛中不見行路人拂袖自西
東汾流滔滔兮日千里青眼高歌吾老矣

丁蘭寺

香山寺承安四年鐘識丁蘭寺

父城廟

香山寺明昌三年鐘識父城廟

東侯廟

香山寺明昌三年鐘識東侯廟

甘羅臺

河南通志甘羅臺在寶豐縣城西北世傳秦甘羅與楚盟于此

馬志辨誤引史記甘羅誑趙割五城予秦外別無事迹不知舊志何據云與楚會盟此地

附陵墓

古周君墓

舊志在縣西九十里深山中未詳何代或云秦遷周天子於陽人聚葬其地焉

寶豐縣志卷八 古蹟

十

馬志按史居陽人爲東周君

賈剛侯墓

舊志漢膠東侯賈復墓在城內西南隅

賈剛侯墓乾隆四十八年知縣吳宗濂重修

馮陽夏侯墓

王淮陵侯墓

馬志二墓相近在故父城縣東王墓無碑而馮墓碑題大樹將軍亦前明立也

吉成侯州苞冢

水經注淄水南有漢中常侍長樂太侯吉成侯州苞冢冢前有碑墓西枕岡城開四門門有兩石獸墳傾墓毀碑獸

淪移人有掘出一獸猶全不破甚高壯頭去地減一丈許
作制甚工左膊上刻作辟邪字門表壘上起石橋歷時不
毀

元魏陵

河南通志元魏陵在州城東南二千里大龍山巔後魏元
氏所葬

馬志通志但云在大龍山巔拓跋氏所葬而不言某帝資
治鑑南北朝已卯歲四月魏主宏殂太子恪卽位九月謁
長陵質實引一統志云魏文帝陵在汝寧府汝州東南大
龍山上此注屬隸先舛誤汝州歷來不隸汝寧府至云魏
長陵則更不知其所據考魏始封大鮮卑至其始祖神元

寶豐縣志卷八 古蹟

三

皇帝始遷定襄之盛樂後又遷代遷平城其葬俱在雲中
代北文帝始遷洛陽南征殂於穀唐原喪遷至魯陽太子
恪迎柩卽位宏遷洛陽遂營葬中原禮亦宜之但魏書云
葬長陵似仍是還葬若新卜山陵事體重大史必有特書
而記云葬長陵與其葬景世定宗肅靜宗陵者無以異三宗繼文
帝而鄴道元注水經凡龍山事蹟如沛公壘龍谿董溝無
不表章至本朝陵寢反寘而不及情理甚不似也道元注
汝溝諸水自云永平初守
魯陽時正在長陵之後

後周豫州刺史杜行寶墓

周豫州刺史淮南公杜君之墓誌云周天統二年歿乎私
第春秋八十有二以隨開皇元年十月一日與夫人合葬

於龍山缺原里之禮也其地東窺邵堞伐楚之跡猶存西
迹澠城避狄之隍如在南鄰澠水神龜游括地之瀾北瞰
龍山仙鶴悲聳天之岫云
案杜君誌已詳金石惟所記墓地釐界甚晰孝子無窮之
慮勞於慎終如是

唐故襄陽丞趙矜墓

柳河東集故襄陽丞趙君墓誌葬於汝州龍興縣期城之
原附墓誌

貞元十八年月日天水趙公矜年四十二客死於柳州官
爲歛葬於城北之野元和十三年孤來章始壯自襄州徒
行求其葬不得徵書而名其人皆死無能知者來章目哭

寶豐縣志卷八 古蹟

三

於野凡十九日唯人事之窮則庶於卜筮五月甲辰卜秦

訓直廉

兆之曰金食其墨而火以貴其墓直丑在道之右

南有貴神冢土是守乙巳於野宜遇西人深目而髯其得
實因七日發之乃觀其神明日求諸野有叟荷杖而東者
問之曰是故趙丞兒耶吾爲曹信是邇吾墓噫今則夷矣
直社之比二百舉武吾爲子祖悅焉辛亥啓土有木焉

發之緋衣緞衾凡自家之物皆在州之人皆爲出涕誠來
章之孝神付是叟以與龜偶不然其協焉如此哉六月某
日就道月日葬於汝州龍興縣期城之原夫人河南源氏
先沒而祔之矜之父曰漸南鄭尉祖曰倩之鄆州司馬曾
祖曰弘安金紫光祿大夫國子祭酒始矜由明經爲舞陽

主簿蔡帥反犯難來歸擢授襄城主簿賜緋魚袋後爲襄陽丞其墓自曾祖以下皆族以位時宗元刺柳用相其事哀而旌之以銘銘曰訓也挈之信也結之有朱其綬神具列之懇懇來章神實恫汝錫之老叟告以兆語靈其鼓舞從而父祖孝斯有終宜福是與百越羣羣鬼相望音有子而孝獨歸故鄉滄盈其銘旌爾勿忘

案隋書地理志襄城郡郟城舊曰龍山東魏置順陽郡及南陽郡南陽縣開皇十八年改南陽曰期城旣併於郟及唐證聖元年析郟城魯山復置曰武輿神龍元年更名中興尋又更名龍興故期城廢縣入於龍興之境誌所謂葬期城龍興之原者此也舊志及馬志遺而不收殊失之

寶豐縣志卷八 古蹟

三

宋樞密直學士寇瑊墓

馬志在滎陽鎮東宋樞密直學士寇瑊墓今其墓僅存案瑊字次公臨汝人宋史謂其性頗疎財通音律知術數初附丁謂故少達及謂敗左遷鬱鬱不自得秘書丞彭齊賦喪家狗以刺之其品行詳宋史

元

臨汝郡公墓

宋民望撰輔國上將軍塔里赤墓碑大德五年改福建道宣慰使都元帥又明年復除浙東道宣慰使都元帥公初收蔡全中藥矢至是疾作薨於延平驛在汝州梁縣三堆山左之陽

馬志在縣北三堆山下元將塔饒志曰赤也墓表及元史本傳載藝文墓表其子萬奴立云其曾祖也里里伯父亦憐赤拔都而史云父也里里白贈臨汝郡公而史云臨安此史之悞當以墓表為正

元

保八公墓

馬志在曹鎮有碑已斷仆文云大元贈光祿大夫河南江缺等處行中書省平章政事追封冀國公諡文愍保八公之墓維至正歲次甲申缺卯男火魯忽達立碑

明

觀政進士李西塘墓

寶豐縣志卷八 古蹟

劉奎撰李秉仁墓誌葬於城北瞻嶽門外百武許從先兆也嘉靖二十一年

殉難附學生祀鄉賢陳維明墓

採訪事實陳維明墓在縣西南陳氏先塋維明魯山空耳陳庄人明季捍土賊力屈及子襄九同遇害事詳魯山縣志

翰林院侍講學士吳垣墓

河南通志吳垣墓在寶豐汝南鎮東南垣侍講學士

楊篤生撰吳垣墓表在甯村新阡距所居大營鎮三里而遙

附墓表 節錄

予同年友寶豐翰林侍講學士雲巖吳君既葬之二年令子如彥過洧濱屬予文其隧石君之沒嵩陽侍郎景公狀其行其葬也德州大理孫公志其墓君之世系妃匹子姓婚姻狀與志詳矣予乃最君家世德而表其大節君諸父行同產三人而先尊府屯田公于次爲長先世遺產不踰中人厥後田廬邸第悉所拓大增益迺昆弟析居時悉以均之仲季且惟所擇無吝也迨兩弟先逝復篤惠從子恩勤委曲用是各立室家系籍衣冠而君尤恂恂孝謹不承先志羣從昆季愉愉怡怡屯田公之所推讓迄君世兩氏子孫安而有之嗚呼汝爲中州名區甲第縉紳踵趾頂背然前明到今閱兩代幾四百年木天之選君先後未有也

寶豐縣志卷八

古蹟

墓

然有識之士不多君之高科美官而雅以君之孝友祇適爲足光世胄而重鄉邦噫視茲懿好愈以知君矣因揭而使表于墓上君諱垣字翰宸號雲巖已酉鄉舉乙丑成進士丁酉十一月十七日卒于密雲工所得年六十又八葬以辛丑十一月三日墓在窰村新阡距所居大營鎮三里而遙雍正二年歲次甲辰季春

蘇松兵備副使王之晉墓

任楓撰墓誌銘云公生於萬厯壬辰卒於康熙丁未卜期戊申二月十五日葬公於縣西三十里祖兆之東

涉縣學教諭李宏志墓

屈啓賢撰墓表先生世守藏書靡弗博涉淹貫聞人有異

書必備閱而點校之選授涉縣教諭力辭不就先後邑侯
招王春風書院及門從遊者稱濟濟焉年登大耋以卒葬
縣西南楊家東北嶺之原